

Kitcit8a Bernard o nabo8e8in.

O Ketcit8a tesianak8e8ian Mani! Kakik ca8e
 nindjike8initeienindan, ka8ikat ki nondaganik
 8ansinon kitci ki an8eta8atc pegosenimik kite
 gaganotama8atc. Kin taiesanak8e8ian, eni8ic
 ka8at8a kakina taiesana8idjik, o ninge! nini
 gaie ij apenimoian ki ia8, ki pi nadjinijimin
 ki pi nanzikon i notc animanamockagoian ik
 patatian, ki pi nipak8iton. Jesus 8ek8isisimatc
 ka8in 8ebiniciken eji pagoseniminan, enâbigis
 ca8enindamita8icin, gaie papamita8icin.

I.

Kakik ki 8abamigonan Kije Manito. Tabis
 kotc o kikeniman neb8akanidjin gaie neb8aka
 sinigon endinitc. Songa neb8akadjik 8ak8ingji
 ta ijjik, neb8akasigok dac eka an8enindizosig8a
 anamakamikong kata apakidjigani8i8ak.

II.

Kitci sanagatini endo8atc nenibina anicina
 bek, ka8in o kikenimasi8a8an Kije manitor
 nanint : nanint dac ana8i o kikenima8an epit
 sakiigosinitc, ka dac eno8ek o sakiasi8a8an, ka
 8in o papamita8asi8a8an, ot an8eta8a8an, o nie
 kia8an i gotc anotc matci iji8ebisi8atc. Si ni
 po8atc, ta 8i an8enindizotokenak, nanapena
 dac kata an8enindizo8ak.